

შას „ლ.დ.იუნიონ“

ქ. ასპინძის მყარი საყოფაცხოვრებო გადანაყარების  
პოლიგონის კეთილმოწყობის

**საერთო განმარტებითი ბარათი**

შას „ლ.დ.იუნიონ“-ის დირექტორი

/ლ. დიდიძე/

თბილისი 2015

## შესავალი

ქ. ასპინძის მყარი საყოფაცხოვრებო გადანაყარების პოლიგონი მდებარეობს ქალაქის მასლობლად, მისგან 4.0 კმ-ზე. ამჟამად პოლიგონის ტერიტორია ნაწილობრივ დაფარულია მყარი საყოფაცხოვრებო გადანაყარების ფენით. ქალაქის საზღვრიდან პოლიგონამდე მისასვლელი გზა ნაწილობრივ ასფალტიზებონის საფარიანია და ნაწილობრივ გრუნტისაა.

### 1. არსებული სიტუაცია და პროექტირების წინაპირობები

არსებული პოლიგონის ტერიტორია წარმოადგენს რთული რელიეფის ფერდობის ნაწილს.

პოლიგონი გეოლოგიურად აგებულია თიხნარი ქანებით, მცირე კენჭნარის ჩანართებით, რომლის ნარჩენების საიზოლაციოდ გამოყენება მიზანშეწონილია. ქვიშაქვები არგილიტების შუაშრეებით. საიზოლაციო გრუნტის ამონება შესაძლებელია პოლიგონები არსებული გორაკებიდან, რომლებიც არაა დაფარული ნარჩენებით და შესაბამისად არაა დაბინძურებული.

პოლიგონის ტერიტორია შედობილია და აქედან გამომდინარე დაცულია საქონელის და სხვა ცხოველების შეღწევისაგან. პოლიგონი აღჭურვილია საღარაჯო ჯიხურით.

### 2. ძირითადი საპროექტო გადაწყვეტების დახასიათება

პოლიგონის შემდგომი სანგრძლივი და ეფექტური ექსპლოატაციისათვის მოსამზადებელი ლონისძიებანი შეიძლება პირობითად 2 ჯგუფად დავყოთ:

- პოლიგონის ტერიტორიის საერთო დაგეგმარება;
- პოლიგონის ინფრასტრუქტურის ობიექტების დაგეგმარება.

ქვემოთ განვიხილავთ მათ ცალ-ცალკე.

## 2.1 პოლიგონის ტერიტორიის საერთო დაგეგმვარების პრინციპები

პოლიგონის ტერიტორიის საერთო დაგეგმარება გადამწყვეტია მისი შემდგომი რენტაბელური ექსპლოატაციისათვის.

ის გარემოება, რომ ამჟამად პოლიგონზე არსებული მყარი საყოფაცხოვრებო გადანაყარები განაწილებულია მის დიდ ფართობზე და მათი ფენის სისქე 2.5 მ-ს აღწევს, არამიზანშეწონილს ხდის მათ მოგროვებას და კომპაქტურ კონსერვაციას ტერიტორიის ერთ რომელიმე ნაწილზე. ასეთი სახის გადაწყვეტილება საკმაოდ შრომატევადი, ვადებში გაწელილი და ძვირადლირებული იქნებოდა. ამიტომ, პოლიგონის შემდგომი ექსპლოატაციისთვის მოსამზადებლად, მიზანშეწონილად მივიჩნიეთ მასზე არსებული გადანაყარები მოგვესწორებინა და მოგვეხდინა მათი იზოლაცია თიხოვანი გრუნტით. გადანაყარების მოსწორება ხორციელდება ისეთ ნიშნულზე, რომელიც უზრუნველყოფს მასების ე.წ. „ნულოვან ბალანსს“ ანუ მოსაჭრელი და დასაყრელი მოცულობების ტოლობას, ყრილის ტკეპნის კოეფიციენტის გათვალისწინებით. ტკეპნის (შემკვრივების) კოეფიციენტი არსებული ძველი, დამჯდარი გადანაყარების მასისათვის მიღებულია 1,2-ის ტოლად. მოჭრილი და გადაადგილებული არსებული გადანაყარების მასები, რომლებიც დამუშავების პროცესში განიცდიან გაფხვიერებას უნდა დაიტკეპნოს ვიბროსატკეპნების მეშვეობით. მათი დატკეპნა საჭიროა მომავალი პოლიგონის ზედაპირის მომეტებული ჯდენების თავიდან ასაცილებლად. აღნიშნული მოსწორებული ზედაპირი უნდა იყოს თითქმის თარაზული (შეუმჩნევი ქანობით) რაც უზრუნველყოფს გადანაყარების ახალი მასის ფილტრატის თანაბარ განაწილებას პოლიგონის მთელ უუძეზე და გამორიცხავს ფილტრატების კონცენტრირებული ნაკადების წარმოქმნას. ვინაიდან პოლიგონის ტერიტორიას გააჩნია შესამჩნევი ბუნებრივი ქანობი, მიზანშეწონილია მომავალი საოპერაციო ფართობების ტერასულად განთავსება. მომავალი ნარჩენების დასასაწყობებლად, პოლიგონზე დაგეგმილია სხვადასხვა დონეზე განთავსებული ორი პორიზონტალური ტერასის მოწყობა. უკვე მოსწორებული ტერასების ზედაპირები იზოლირდება 30სმ-ის სისქის დატკეპნილი თიხოვანი გრუნტის ფენით. აღნიშნული ფენა უზრუნველყოფს არსებული გადანაყარების იზოლაციას და ამავე დროს აფერხებს მასზე განთავსებული ახალი გადანაყარების ფილტრატის გავრცელებას მის ქვემოთ. ამ სამუშაოების განხორციელების შედეგად მივიღებთ პოლიგონის ახალ სუფთა ზედაპირს, რომელიც მზად იქნება მისი შემდგომი ექსპლოატაციისათვის.

როგორც ზემოთ აღვნიშნეთ, აღგილობრივი გრუნტის საიზოლაციოდ გამოყენება მიზანშეწონილია. ამიტომ საიზოლაციო გრუნტის დამუშავება წარმოებს უშუალოდ პოლიგონის ტერიტორიაზე არსებული გორაკებიდან, რომლებიც დაფარული არაა ნარჩენებით. ამ გორაკებიდა ხორციელდება როგორც არსებული გადანაყარების საიზოლაციოდ საჭირო გრუნტის ამოდება, ასევე გრუნტის

გარევეული მარაგიც (რეზერვი) შემდგომი ექსპლოატაციის პერიოდში პოლიგონზე მიღებული მყარი გადანაყარების დასაფარავად. ეს მარაგი განთავსდება ტერიტორიაზე განაწილებულ საეციალურ კავალიერებში, მომავალი გადანაყარების დასასაწყობებელი უჯრედების სიახლოვეს.

პოლიგონზე ამჟამად არსებული გადანაყარების თანაბრად განაწილების გამო მიზანშეწონილი არ არის ახალი გადანაყარების ტრანშეული დასაწყობება. ამიტომ აროექტით დაგეგმილია, მომავალი ექსპლოატაციის პერიოდში, ახალი გადანაყარების შენახვა-დასაწყობება განხორციელდეს მიწისზედა ყრილებში გვერდების ქანობებით 1:4.

ექსპლოატაციის პერიოდში გადანაყარების მიღება-დასაწყობების გასააღიალებლად, გათვალისწინებულია დროებითი გზების მოწყობა საიზოლაციო თიხნარის საფარზე. დროებითი გზები განსაზღვრულია მოეწყოს დორდის საფარისაგან, ქვიშა-ხრეშოვანი ნაზავის საფუძველზე. ეს გზები ეწყობა მთელ ტერიტორიაზე და მათი განთავსების ადგილები შეხამებულია მომავალი გადანაყარების შესანახი უჯრედების და ნაგავმზიდების დაცლის ადგილებთან. ამავე გზებთან, როგორც ზემოთ აღვნიშნეთ, განთავსებულია საიზოლაციო თიხოვანი გრუნტის მარაგების კავალიერები. აქედან გამომდინარე აღნიშნული გზების გამოყენება შესაძლებელია საკმაოდ დიდი ხნის მანძილზე. თანდათანობით ტერიტორიის გადანაყარებით შევსებასთან ერთად, გზების ნაწილი მოხვდება უჯრედების ქვეშ.

პოლიგონის პერიმეტრზე დაგეგმილია წყალამრიდი არხების მოწყობა, რომელიც უზრუნველყოფს მეზობელი ტერიტორიიდან შემოდინებული ავდრის წყლის ბლოკირებას. ეს არხები ემსახურება ასევე პოლიგონის შიდა ტერიტორიიდან წყლის გადაყვანასაც.

ვინაიდან პოლიგონი მოქმედია, მისი კეთილმოწყობის სამუშაოების მიმდინარეობისას შემსრულებელმა ორგანიზაციამ უნდა უზრუნველყოს ამ პერიოდში ტერიტორიაზე შესული ნარჩენების მომსახურება და განთავსება.

პოლიგონის ტერიტორიაზე გამოყოფილია სამეურნეო ზონა, რომელშიც თავმოყრილია ინფრასტრუქტურის ობიექტები. მათ შესახებ დაწვრილებით ქვემოთ ვისაუბრებთ.

## 2.2 პოლიგონის ინფრასტრუქტურის ობიექტების დახასიათება

პოლიგონის ინფრასტრუქტურის ობიექტები უზრუნველყოფენ მის ეფექტურ მუშაობას ექსპლოატაციის პერიოდში. აროექტი ითვალისწინებს ინფრასტრუქტურის შემდეგი ობიექტების მოწყობას:

- ტერიტორიის არსებული შემოღობვის ოებილიტაციას;
- სადარაჯო ჯიხურის საძირკვლის მოწყობას და მასზე არსებული ჯიხურის განთავსებას;
- მანქანა-მექანიზმების ფარდულის მოწყობას;
- დასასვენებელი ფანჩატურის მოწყობას;
- საპირფარეშოს მოწყობას;
- სახანძრო ფარის მოწყობას სადარაჯო ჯიხურზე;
- სანაგვე ურნების და გადასატანი მაჩვენებლების მოწყობას;
- სასმელი წყლის სამარაგო ავზის და ხელსაბანის მოწყობას;
- სამეურნეო ზონის ტერიტორიის განათება და ინფრასტრუქტურული ობიექტების ელექტროუზრუნველყოფა.

ტერიტორიის არსებული შემოღობვის ოებილიტაცია გულისხმობს არსებული ლობის დგარების შედებვას.

სადარაჯო ჯიხური კონტეინერის ტიპისაა და არსებობს ადგილზე. პროექტით გათვალისწინებულია მისთვის ახალი საძირკვლის მოწყობა და მასზე განთავსება.. ჯიხურის ერთ-ერთ კედელზე დამაგრდება სტანდარტული სახანძრო ფარი.

მანქანა-მექანიზმების ფარდული განსაზღვრულია 1 ბულდოზერის განსათავსებლად. ფარდული შესრულებულია მთლიანად ფოლადის კონსტრუქციებით. სახურავის და კედლების შემოსვა ხორციელდება ფერადი მოთუთიებული ოუნუქის პროფილირებული ფენილით.

დასასვენებელი ფანჩატური წარმოადგენს ასევე მარტივი ტიპის ნაგებობას ფოლადის კონსტრუქციების გარეასით.

საპირფარეშო აღჭურვილია ასინიზაციის ჭით. მისი კედლები შესრულებულია სენდვიჩ-პანელებით, ხოლო მზიდი კარგასი ასევე ფოლადისაა.

შეასრულა:

/ა. ნატროშეილი/